

<https://www.thelatinlibrary.com/plautus/captivi.shtml>

proin si quis pugnam expectat, litis contrahat:  
valentiozem nactus adversarium  
si erit, ego faciam ut pugnam inspectet non bonam, 65  
adeo ut spectare postea omnis oderit.  
abeo. valet, iudices iustissimi  
domi duellique duellatores optimi.

## ACTVS I

### I.i

**ERGASILVS** Iuventus nomen indidit Scorto mihi,  
eo quia invocatus soleo esse in convivio. 70  
scio absurde dictum hoc derisores dicere,  
at ego aio recte. nam scortum in convivio  
sibi amator, talos quom iacit, scortum invocat.  
estne invocatum an non <est? est> planissime;  
verum hercle vero nos parasiti planius, 75  
quos numquam quisquam neque vocat neque invocat.  
quasi mures semper edimus alienum cibum;  
ubi res prolatae sunt, quom rus homines eunt,  
simul prolatae res sunt nostris dentibus.  
quasi, cum caletur, cocleae in occulto latent, 80  
suo sibi suco vivont, ros si non cadit,  
item parasiti rebus prolatis latent  
in occulto miseri, victitant suco suo,